

下領九地五嶽四清神仙之官園九百九十  
界紫炁玉樓遊行三界真人號帝尊九晨君  
姓精常諱空上開正延冠飛精衣冠玉九色  
鳳衣執火鈴第九柄星太帝真人星曰空隱  
也主變化無方園九百九十里有玉樓紫館

辨細三陽真人號帝真元晨君姓幽空諱真  
陽暉幽寒冠飛天玉冠衣九天龍衣執帝章  
兆若訴彼之非明此之是過他之惡申已之  
善自責而不怨人通理而各析祐除罪延福  
告請

天之太尉第一玉皇君兆若陰陽學官干祿  
求位告請天之上宰第二玉皇君兆若學道  
期仙通神達聖造請天之司空第三玉皇君  
兆若制服鬼神惡逆誅伐幽顯凶邪告請天  
之游擊第四玉皇君兆若立功建德益算延

年告請天之斗君第五玉皇君兆若屈滯疾  
厄乞申希免告請天之太常第六玉皇君兆若  
天地否激炁候不調告請天之上帝第七玉  
皇君兆若讓却衆文飛上履下告請天之尊  
玉帝第八玉皇君兆若變化無方應救一切

告請天之太帝第九玉皇君若九皇君九天  
人內姓隱諱知之延壽千年常夕夕觀之想  
見皇君天人形相威光懾其姓諱諱存在心  
得見第八第九星延壽無窮  
北斗九皇隱諱終

正一天師清微弟子 洪百堅 製作  
道教學術資訊網站

高上玉宸憂樂章

結我自然氣凝化紫嵐城高臺超九領漢城  
成飛瓊煥落重虛上曲折洞八清蒸蓋瓊雲  
宮流暉翳五霞四遠無窮野八氣迴圓明扶  
搖運太空七景轉天經運來若無相時去隨

化傾九來交度內二象互相任帝一固中元  
四綱不頹靈南採飛皇寶北列廣寒庭玄房  
交真會虛歌自然生五帝命靈幡魔旗傲萬  
精魔從空中嘯道世樂未央故與曲素辭慶  
神欣太平相與契何許萬劫為一齡迴轉九  
萬同遊紫嵐耕空生紫嵐重瓊閣參太微靈  
風洞八會北牖閭闔開上有嘯歌兒常唱運  
喪衰朝則乘景遊暮則附景歸二景齊一體  
常恐失景暉九炁不常居天地有傾危大劫  
終一椿百六乘迴迴洪泉湧九嶺大鳥翔天

垂萬靈顯長流顧山不得依號泣無崖際能  
不傷人懷賢聖誦經故得乘景飛至時相奉  
迎同會九天靡教靈金馬展萬瑞交橫馳不  
見覺仙人但能哭屍悲嗟此愚夫曾持命痛  
可哀散憂九玄靈聚樂借太空攜契十天真

笑命東海童四達八會氣玄運閭臺風日朗  
西華館意合廣寒宮婆娑紫鳳下蕭條九嶺  
峯派躬死窮野仰觀劫刃中清歌宮商和憂  
樂自相從二趣諧一契理背友還同相與樂  
未央持始復持終耐飲玉池醴仰飲飛華皇

靈衣自河安味若日月光七曜派芳暉斯樂  
豈可忘大劫有終運運交二象傾龍門斷天  
河三五反相征赤鎮據東井華蓋伏晨星玄  
昏睥八荒穢氣翳天精三官相操伎五嶽不  
固靈萬瀉交橫馳北帝勇魔兵八綱羅天外  
聖主乃能清是結自然氣峻嶒九重城高觀  
愍萬兆憂樂從是生玄歌散神衿蒙歡友涕  
零哀此頑夫葦恠財貪色榮欣欣待命至不  
顧禍自嬰賢智逆方來晨夜動誦經禮空念  
玄虛以度不窮齡若能尋道源八節奏玉名

將免九曜災令爾見太平瓊鳳壽長颯紫臺  
曜玉林流光拂重玄差我陵九陰紫景散朱  
霞飛烟互相尋七寶振瓊條靈獸騁雲岑萬  
仙乘空詠神仙揚妙音上有高晨師拱靜嘯  
與吟八會自然容虛降皆蘭金瓊爵彌劫旦

玉漿散冲心明珠唱靈歌法容和清琴玉童  
至道宗憂樂解人衿釋我無終齡良娛樂何  
深自然高仙韻安能同此欽朝戲東華宮夕  
遊西華堂取樂二華館不與樂相逢但聞玄  
歌子悲聲傷天童哀響流寒庭撫悼世連窮

天馬踴九河鳥母乘飛龍玄津無橋梁二氣  
隔不通登我峻嶒臺仰觀九難中穢氣彌三  
靈萬兆負災衡八域無遺民大小山嶽崩念  
此不知學閉經若知聲相與任運生儵歎得  
命終氣災何期酷念子傷我胸紫鳳乘空發  
峻嶒九玄囑氣結則影見氣散則神无飄飄  
有無際天樂適我娛安同八會唱齊我高仙  
傳携契十天真登我九鳳軀上登玉京闕下  
戲閱風州羽騎迅瓊輪紫烟空相扶極朝復  
待且階樂無終休流聘任運遷億椿始一周

歡我自然衿散我懷世憂自無玄靈寶誰能  
同此哀遊執空洞內與樂復發憂朝發東蒙  
嶺夕觀西隴立不見九靈母北真道相遊遼  
問大象度二氣忽云周九龍運東并天馬發  
西隅北帝放天兵五嶽玄相符萬魔已束帶

五行早相謀兵災羅天布萬兆已被拘上下  
皆受會湯除無稽留象此五難中運至無親  
踈高登八會官結我冥中傳歷觀至學者福  
地以相扶棄家尋我道剋得度爾軀動心修  
至經道成當須逍遙觀鳳臺豈不樂我遊大

樂會中元中元聚樂庭上有八會氣婆娑紫  
鳳生金條附玉根七寶結華鈴龍超極峯嶺  
鳳嘯駭程不見誰遊賓但聞鳳雲生宮商自  
相和音響自然成玄歌唱妙曲憂樂結成經  
吾我自相求誰知真人靈錦雲帶夜月紫耀  
騎飛瓊三晨動太暉七元煥五星靈備有威  
光流烟霧紫清自謂西華妙未若紫鳳城上  
有解於人一面歡萬齡借樂無終劫因覺天  
地傾靈運自有已教終自由玄去來順運迴  
何為憂自纏散憂八荒外大象不主真道遙

歡樂庭誰與憂為親五難是常會所傷自有  
人宮商維不和大歸理自巧故與憂樂曲以  
度覺道身苦行研靈文妙義自然鮮但佩曲  
素童剋入無憂澤乘空登鳳臺高觀承唐年  
此樂將何樂知憂在何聞

高上玉晨憂樂之章空生鳳臺之靈文明於  
五方金音逸朗於十天玉京九章上真皆鑄  
金為簡紫筆書文齊聲合唱玄歌憂樂之曲  
也其辭深頌妙趣洞淵自非高上之儔莫有  
能究其篇者金名東華玉字鳳闕乃得見此

十二

文爾得佩鳳悉玄丘真書命魔靈懺誦憂樂  
之章則五帝衛真天魔敬護保舉上仙得奉  
迎聖君於上清宮遊於鳳臺之堂也凡受此  
文每以本命太歲八節之日及每月五日十  
五日二十五日沐浴清齋入室先東向誦青  
帝章二首畢再禮朝

玉真轉南向誦赤童畢再禮朝玉真轉西向  
誦白帝童畢再禮朝玉真轉北向誦黑帝童  
畢再禮朝玉真向太歲誦黃帝童畢再禮朝  
玉真五方都畢還北向九拜朝玉晨君仰咽

炁九過止如此五施五帝幡於室五方出  
上清高上玉晨鳳臺曲素上經

太上玉宸憂樂章

太上洞真徊玄章

太上發玄靈煥爛數真文落落散天寶十方  
所恭尊不始亦不終不明亦不昏仰登玉京  
臺道遙懸崑崙超度泉曲都魔王願欲聞七  
祖受化生解我宿世怨入控飛玄景出駕浮

十三

雲重暉曜玉晨玄景開圓明迨迨洞真殿見  
見七寶精一念度八難長與太上并纏旋獻  
黃景日華虛中生世知雜俗道莫聞智惠經  
大矣洞真戒玄感魔王誠萬椿若一息豈繫  
千億齡太上體本元散形度弱務猷宣玄  
術

天尊並讚揚有緣文自表死因經為藏若能  
得此道首即生元光身濟無待津飄飄逸仙  
堂無無竟無永有有安入妙天翰蔚無上玄  
宗自有要徊轉三寶輪十方普震耀太上觀

玉京魔王空中笑天帝叉手唱眾真乘虛肅  
散花正我念八願自然超靈仙乘慶霄駕龍  
躡玄波冷真表嘉祥濯足八天阿福應不我  
期故爾釋天羅道得冠三界地網亦已過感  
過雲真會淨慧經蓮花無上覺四輩芒芒大

方外幽顯諒有由无幽故無味速羅運玄輪  
真仙幸華養時遊渺茫聞天人無見際靈妙  
奇宣通天人有津岸泛舟不測淵常恐風波  
渙其緣有奇力智勢誰能算再再任玄樞昭  
然冥因判挺穎應真子靈琴空中彈淨思恭

十方玄留不我羨太上敷洞文賢賢歸本緣  
蕭條三寶圍繁華秀我因伯史與入精質淨  
生金身終結後始劫愈覺靈顏新希度禮無  
上寶文降至真道林蔚天京下光諸地仙縱  
容敬靈威洋洋大法宣太上觀十方瞻蕩融

風穆圓光映三辰真人披天服魔王叉手立  
司市鄴京側日月騎行曜七寶煥無極一切  
營此時禍滅地獄息渺浮無景  
天尊人莫能測三寶繫十方靈臺空中澄宛  
轉隨化理一感法輪昇漠漠曖昧間四大與

時興空有靡不有崔嵬多山陵太上无滯念  
滅念歸大乘凡十方迴玄頌先始北方次東  
北方東方東南方南方西南方西方西北方  
上方下方一頌一拜迴玄品者出乎自然而  
然虛峙九千餘劫其文乃見无始天王授道